

第一冊

序
凡例
銜名
目錄
圖

卷首

臨幸

天章

恩典

卷一

星土祥異

卷二

形勝疆域

第二冊

卷三

城池

卷四

學校

卷五

鹽法

卷六

海防兵制

卷七

河渠

卷八

風俗

第三冊

卷九

職官上

卷十

職官下

卷十一

名宦

第四冊

卷十二

選舉

卷十三

人物

第五冊

卷十四

列女上

卷十五

列女下

第六冊

卷十六

藝文一

第七冊

卷十七

藝文二

卷十八

藝文三

第八冊

卷十九

藝文四

卷二十

雜記

後序

續天津縣志序

同治九年予以湖廣總督奉
命督師剿逆回于陝西至秦數
月
天子以天津邊海重地番船往
來華洋雜處為畿輔守禦之要

害非文武重臣不足以勝任時
大學士直隸總督曾公移督兩
江遂

命鴻章來津受代裁三口通商
大臣歸併總督
特授為欽差大臣駐節天津競

競焉以招携懷遠尊主庇民為
要既蒞任逾月邑人吳觀察惠
元以其所修續天津縣志來質
且請序予惟天津去京師二百
餘里實畿南之屏蔽也其地勢
下在古為九河尾閭凡西北大

川咸滙此入海近者海運歲行
通商事起南北中外商賈輻輳
故尤號為難治顧其人情風俗
輕生赴鬪猶有漁陽上谷之遺
往歲咸豐癸丑秋粵逆北竄至
城西知縣謝忠愍公子澄親率

津民劉繼德等數千人大敗之
斬其渠京畿得無恐其後捻逆
屢犯津民應募者皆奮起而擊
退之故他郡縣被殘而天津完
善無恙庚申秋海疆不靖時石
侍郎贊清守天津獨抗節不撓

居民千百人衛之轉危為安蓋
其民之富者多好倡為善義行
其貧者就死不悔得良吏鎮撫
之則皆能親上死長勇于赴難
而不屈習使然也其士大夫仕
于他省者亦多忠義才傑之倫

往者予奉

命團練于鄉時津人金剛愍公
光筮牧壽州繼守廬州備兵廬
鳳潁六和泗以善擊賊名忠勇
武略為江南北之冠今考邑志
自昔義烈如金公者固多有之

然則津民之知大義能為國効
力捍災禦患者豈非官斯土者
及其鄉之賢士大夫有以振作
于上而致然與邑志始修于乾
隆四年迨嘉慶間邑士蔣君玉
虹博采旁搜為續志未成而卒

今吳君復網羅散失以續成之
體例與凡為志者同而獨于海
道水利營田及凡義舉之規條
皆詳載之以為後法誠善本也
夫民無常行惟上所導率之以
好利則為暴者多率之以好善

則趨義者眾是則官茲土者與
其鄉公卿大夫皆與有責也夫
太子太保協辦大學士兵部尚
書兼都察院右都御史直隸總
督一等肅毅伯加騎都尉世職
合肥李鴻章序



續修天津縣志序
夫志乘者所以正疆域
攷山川博稽典章文
物而垂諸矣禩者也
建制因革政教興替
亦於是乎在且潛德幽

光祚表不彰步節至
行非揚曷遠苟無獎
別觀感矣資諮訪闡
明書之簡冊乃維持
風化之大端豈細故
哉津邑古為上谷

漁陽郡地多渠澗
沽泊凡西北諸大川於
茲匯而歸海焉昔人
稱為九河尾閘蓋北
方之澤國也迨歲西
洋通款賈船連檣高

民雲集畿南衝要
無逾此邦咸豔豐康
申冬余奉

命權鹽政篆兼辦通商
簡授通商大臣之任壬戌奉
旨會辦海防兼攝提督印

癸亥權總督募督
辦直隸軍務凡綏
疆宇蒐軍實訊士
卒備海防志厲馬
任鉅才幹時虞墮
越戊辰後拜籌兵

濟饒之

命得諸將帥力克竟全功
乃者幸際

聖化時雍滄波恬順中
外又安得與士大夫
往還念以志乘爰修

謀重輯之蓋舊本
修於乾隆四年嗣後
則編纂闕如也惟時
閱百有餘年按採
纂難適有姚游戎懷
德者手出一編云得自

其戚蔣氏蓋蔣氏之
先有廩膳生玉如積學
志也曾著志稿若干
卷記載頗詳惜寄
簡殘篇諸多脫漏
今距蔣生百有餘年又

五十餘年矣其間
佚事遺聞迄無粉
本此後搜訪愈難
爰商之僚屬籌款
設局延浙江俞蔭甫
太史重為編輯梓刻

去歲旋辭去後延前
雲南觀瞻龔霖宇矣
君任其事時沈雲
巢方伯引疾家居余
造謁遂及志事先生
以為直系時培修不

宜再緩而吳君占先
生誼屬姻戚相與高
推忝訂閱所載而書
成細舉目張百餘年
文獻足徵良收易之
編所載海運紀程通

商原如墮建築濠塹
礮臺機器兩局釐水
田鑿環渠諸務亦為
詳細後之官斯士志
為其因時制宜振興
學校俾津邑人文蔚

起斯則余之深望也
省

同治九年歲次庚午

夏四月

太子少保兵部侍郎通
商大臣前內閣學士

都察院左副都御
史署直隸總督完
顏崇厚序



續天津縣志

凡例

一舊志修於乾隆丙辰今歷一百二十餘年未經續纂嘉慶間有蔣生玉虹博採旁摭著稿凡若干卷茲經訪獲雖殘篇斷簡亦可爲考據之資列其名於編輯庶不負當年留心故實云

一是編體例悉依舊志篇目間有更訂應增者附之無庸增者不再列篇目

一津邑密邇

神京溯查乾隆嘉慶間

續天津縣志

凡例

一

翠華屢駐

宸翰輝煌爲從前所未有茲謹登

臨幸

天章於紀

恩之前誌幸也

一兵制舊隸海防今仍之至近年海口通商乃我朝拓攜懷遠之至計

廟謨宏遠規畫周詳謹將前後奉頒

諭旨並一切章程纂入

一舊志坊表津梁亭館附書城池公署後祠廟寺觀

附書學校後茲於營建仍分類附書

一津邑爲九河尾閭衆水匯歸舊志別派分支窮源竟委援證綦詳茲歷年雖久並無變遷編中於境內河淀沽泊諸水不復冗述惟修築疏濬及新開濠渠有關防患興利者增之

一賦役以現在爲準近年軍興以來不無變更賦役全書有未可盡憑者姑闕以俟補

一津邑地方文武與鹽務大小各官自乾隆初迄今或增或裁年久難稽謹就現在者書之

一選舉按科序錄至 恩歲優各貢與武舉武進士

續天津縣志

凡例

二

無題名可考僅就采訪足據者序錄摭羅未徧不無挂漏

一津邑婦女最嫻節義柏舟自矢不求人知請 旌者不過什百中之一二稍有遺佚秉筆者之罪也茲將采訪所及與凡呈送節略入志館者皆大書之盡闡幽光應俟補輯

一節烈貞孝以 旌表者列姓氏於前至事實仍各按年歲分別詮次非以已未得 旌爲先後也

一歌詠發於性情或其人足稱而佚事無聞詞章亦可覘梗概編中於酬贈各什間登一二存其人故

錄其言非濫收也

一班固藝文志於經史子集止紀其篇目以錄之不勝錄也茲倣其例附增著述於藝文卷後

一各卷內事實有年久難以驟考者未便多稽時日如采訪續到應另編補遺一卷附後

續天津縣志

銜名

鑒定

太子太保協辦大學士直隸總督一等肅毅伯李鴻章
太子少保頭品頂戴兵部侍郎三口通商大臣崇厚

彙閱

二品頂戴長蘆都轉鹽運使司鹽運使恆慶

二品頂戴天津河間兵備道周家勳

布政使銜天津河間兵備道西林巴圖魯丁壽昌

運使銜天津府知府李文敏

續天津縣志

銜名

一

三品銜天津府知府張光藻

參閱

二品頂戴總理機器局候補三品京堂前奉天府府尹德椿

二品頂戴通政使司副使署理三口通商大臣成林

記名御史刑部郎中署理津海關道陳欽

二品頂戴候補道護理天津河間兵備道博多宏武

二品頂戴候補道署天津府知府任信成

二品頂戴直隸候補道李世侃

二品頂戴候補道天津府河防同知陳重

運使銜候補道天津府海防同知姚經陞

三品銜特用道安州知州署天津府知府馬繩武
運同銜天津府河防同知何崧泰
特用知府天津縣知縣劉傑
知州銜署天津縣知縣前翰林院庶吉士刑部主事蕭世本
三品銜世襲雲騎尉長蘆候補運同姚文楫
校閱

天津府學教授楊榮隰
署正銜天津府學訓導劉賓
署正銜天津縣學教諭張震
署正銜天津縣學訓導陳兆熊

續天津縣志

銜名

一一

裁定

頭品頂戴前浙江布政使司布政使翰林院編修 國史館提調沈兆澐

總修

前雲南鹽法道翰林院編修 國史館提調吳惠元

編輯

邑廩 貢 生蔣玉虹

前翰林院編修 浙江進士俞樾

參訂

邑商籍 增 生高聚奎
邑歲貢 生余作恭

教習知縣己酉副榜李士珩
教習知縣己酉副榜梅之楨
採訪

五品銜前山東鄒縣縣丞邑廩貢生王鏞
校錄

議敘六品銜吳廷瑛
邑增生吳廷瑞

文分校童吳廷琦

運使銜候補道浙江舉人陳翰芬

續天津縣志

銜名

三

運同銜前順天候補知縣浙江舉人馮瑋

同知銜候補知縣壬辰舉人姚承豐

壬子舉人楊光儀

五品銜乙卯舉人李秉璋

工部郎中邑增貢生韓宗源

邑附貢生李仲平

記名御史內閣侍讀戊午舉人徐士鑾

三品銜邑廩貢生華承霖

候選道前戶部員外邑附生高學淇

邑附生徐士鏊

教習知縣辛酉舉人陳堽

兵部員外丁卯舉人沈恩嘉

教習候選訓導邑附貢生劉毓達

邑廩生李步雲

候選訓導歲貢生田尙耘

文童劉恩綬

文童梅紹瀛

督刊

四品銜浙江監生錢廷杰

道銜知府用前候選員外張鳴鐸

續天津縣志

銜名

四

都司銜王覲義

二品頂戴候選道張汝霖

同知用前刑部員外陳士珍

議敘六品銜柴森

六品軍功裴林

六品軍功范天慶

繪圖

從九品黃紀雲

續天津縣志

目錄

卷首

恭紀

臨幸

天章

恩典

卷一

星土祥異

卷二

續天津縣志

目錄

形勝疆域

卷三

城池公署

附坊表津梁建置

卷四

學校

附祠廟

卷五

鹽法

卷六

海防兵制

附海運海道海口通商

卷七

河渠 附隄堰水
利營田

卷八

風俗義舉

卷九

職官上

卷十

職官下

卷十一

名宦

卷十二

續天津縣志 目錄

選舉 附例貢例
監封蔭

卷十三

人物 附僑
寓

卷十四

列女上

卷十五

列女下

卷十六

藝文一

卷十七

藝文二

卷十八

藝文三

卷十九

藝文四

附著
述

卷二十

雜記


續天津縣志

目錄

三


舊城高臺

續天津縣志
圖



續天津縣志

圖



臺

凌

圖


口

礮

續天津縣志

圖

三




續天津縣志

圖

東

四




問津書院圖

續天津縣志

圖


五



續天津縣志

圖

六




三取書

院圖

續天津縣志

圖


七



續天津縣志

圖

八




問津館圖

續天津縣志

圖

西


九



續天津縣志

圖

東



十


育嬰堂


圖

續天津縣志

圖

十一





續天津縣志卷首

恭紀

臨幸

溯查

聖祖仁皇帝五莅天津盛典已恭紀舊志茲謹續紀登於

卷首

乾隆十三年四月

高宗純皇帝奉

皇太后東巡回

蹕經由天津

續天津縣志

卷首

臨幸

詔免次年錢糧十分之三

賞賚兵民年七十八十以上者

乾隆二十七年恭逢

皇太后七旬萬壽

高宗純皇帝奉

安輿南巡閱視河工海塘經由天津

詔免錢糧十分之三緩徵借欠穀石廣入學額五名

賞賚兵民年七十八十以上者

乾隆三十二年三月

高宗純皇帝駕莅天津循覽河隄閱兵於海光寺前幸新

城水師營裁汰官軍

詔免錢糧十分之三豁免天津府屬積欠銀穀

乾隆三十五年三月

高宗純皇帝因淀神祠落成親詣瞻禮奉

皇太后臨幸天津

詔免本年應徵正賦錢糧並蠲免歷年積欠廣入學額
五名

賞賚兵民年七十八十以上者減罪人等

乾隆三十六年恭逢

皇太后八旬萬壽

續天津縣志

卷首 臨幸

二

高宗純皇帝奉

安輿東巡祝

釐泰岱經由天津

閱視芥園減水壩工

詔免錢糧十分之三豁免直隸通省積欠

賞賚兵民年七十八十以上者

乾隆三十八年三月

高宗純皇帝閱視永定北運二河隄工奉

皇太后臨幸天津

召試諸士奉

上諭朕因永定北運兩河工成告葺莅省成事臨幸天津直省士子夾道歡迎輸忱蹈詠進獻詩冊者甚多爰照從前巡幸江浙山東之例命題考試就其文義高下量加錄取所有列在一等之生員顧莖李廷敬貢生閔思毅陸伯焜俱著賞給舉人其舉人杜兆基著以內閣中書補用其列在二等之進士張虎拜舉人張方理秦櫛邱桂芬謝肇炯吳裕德祝堃生員陸蓉邱桂山劉祖志貢監生邱人龍楊炤李憲喬趙珍俱著賞緞二疋以示省方觀風嘉惠譽髦之至意欽此

詔免錢糧十分之三

續天津縣志

卷首

臨幸

三

賞賚兵民年七十八十以上者

乾隆四十一年二月

高宗純皇帝平定兩川奉

皇太后南巡詣

岱祝

釐告成

闕里經由天津四月回

蹕復

莅天津

召試諸士奉

上諭朕因平定兩金川告成

闕里回鑾舉行郊勞盛典蹕途經過津門直隸及各省士子祇迎道左抃頌抒誠進獻詩賦者多因照此次在東省召試之例就其文義量加甄錄所有列在一等之進士舉人邱桂山祝堃洪榜戴衢亨關槐俱著以內閣中書補用萬年方起莘張曾泰俱著賞給舉人其列在二等之舉人貢監生員周光裕陸滋李蔚觀王奉曾郭緯鑾葉汝蘭薛蓉張元楷張景運王績著黃繼光周贊錢敬熙黃駢吳蔚光蔣傳馨周嘉猷王丕烈黃景仁邱桂芬俱著賞緞二匹以示廣惠士林之至意欽此

續天津縣志

卷首

臨幸

四

詔免錢糧十分之三廣入學額五名

賞資兵民年七十八十以上者

乾隆五十三年二月

高宗純皇帝駕莅天津舟至三汊河口拈香望海寺崇禱

觀策馬進北門出東門越日進東門出南門拈香

海光寺

召試諸士奉

上諭此次巡幸天津直隸及各省士子迎鑾獻賦因令分別考試所有考取一等之舉人陳煜著賞給內閣中書與考取候補人員照例挨次補用貢生王蘇王芭孫生

員吳鎔著賞給舉人准其一體會試其考取二等之劉
梧黃掌綸鍾叢之邵士鐸俱著各賞緞一匹欽此

詔免錢糧十分之三豁免天津民欠銀穀廣入學額五
名

閱兵於行宮東適福康安獲臺匪林爽文何有志陳嶺
林嶺等檻送天津

帝親訊爽文等於宮門外用大刑礮何有志梟示是日百
姓觀者萬千

帝不之禁次日回

蹕駐蒲口礮陳嶺梟示

續天津縣志

卷首

臨幸

五

乾隆五十五年四月

高宗純皇帝南巡閱視河隄海防回

蹕至天津適安南阮光平遣謝

恩貢使黎伯璫吳爲貴等至道旁瞻覲降

旨慰問

帝親臨賜宴扈從大臣與闔郡官員皆與焉

帝以策馬府城諸詩命伯璫和韻

詔免錢糧十分之三廣入學額五名

乾隆五十九年

高宗純皇帝駕蒞天津進北門出東門入行宮越日進東

門出北門拈香河北藥王廟

駕至鼓樓百姓歡迎擁擠至

輦不能行

天顏甚霽

詔免錢糧十分之三

嘉慶十三年三月

仁宗睿皇帝巡幸淀津閱視河工由靜海縣之楊芬港啟

鑿至天津王家厰水營次日至

行宮

閱兵

續天津縣志

卷首

臨幸

六

賜扈從諸臣及津郡官員宴

賜長蘆商人宴

詔免天津府屬錢糧十分之三豁免歷年積欠並緩徵

蘆商歷年積欠鹽課廣入學額五名

恩賞老民老婦減罪人等

召試諸士奉

上諭此次巡幸淀津直隸各省士子迎鑾獻賦蹈詠抒誠
因命題考試就其文義高下量加錄取所有列在一等
之直隸庠生龍汝言安徽貢生齊彥槐安徽貢生唐人
勗直隸庠生李大壯安徽增生方士淦順天附生許椿

頤俱著賞給舉人准其一體會試至龍汝言昨日所進
冊頁恭集御製三疊上下平韻俱能穩愜著加恩賞大
緞二匹其考列二等之張廷選王世敬蕭重何裕戴衍
祉吳傑錢侗吳植丁履恆張慧盧萬之金綬蔣澧方廷
瑚各賞大緞二匹其中有願在文穎館效力者准其在
館行走俟有謄錄缺出卽令充補以示省方觀風加惠
儒林至意欽此

續天津縣志卷首

恭紀

天章

世宗憲皇帝御製文

御製長蘆鹽法志序

洪範之敘五行始於水而終於土水以潤下作鹹土以稼穡作甘五味之物惟鹽不可一日闕其用殆與粒食均周禮鹽人掌鹽之政令以共百事之鹽蓋古先哲王知鹽之爲用切於民生故設官以掌之使其足於國周於民平其法而息其爭用意至深遠也自漢以來代修

續天津縣志

卷首

天章

八

鹽政或失之疎或失之密皆不便於民惟唐之劉晏職掌度支樞五方之鹽以寬萬姓之賦得重農抑末之意內外便之我國家撫御寰區修和府事淮浙滇黔秦晉產鹽之所皆設官以領之長蘆鹽政則自析津而東暨於青齊乃禹貢所書厥貢鹽絺之地密邇京畿爲職綦重朕念切民生勤勞庶政欲四海之民以生以食無一物不得其所况輦轂之近日用之需尤宜著爲令典以備稽參者哉侍郎莽鵠立視鹺三載修長蘆山東鹽法志共三十卷書成來獻朕覽其大凡載詔敕以奉公考沿革以法古職官定而法制禁令行焉疆域分而竈籍

商政著焉法必待人而行故稱述宦蹟尤有關於鹽政
苟居是官者能深思設官分職之指專心一力克盡其
職使國家無關於歲需而閭里常充於日用則不惟職
舉事修而於古先哲王崇本抑末之深心我國家惠養
元元之至意交有裨益是則朕之所厚望也夫雍正四
年七月十三日

世宗憲皇帝御書額

御書宏仁廟額

宏仁廟 廟額

承天下濟 大殿額

續天津縣志

卷首 天章

高宗純皇帝御製文

御製重修天津海神廟碑記

碑在大沽口海神廟

渤海介析木之津襟帶畿輔捷雄閣而鞏之實惟神京
左絡翁受靈長厥利斯溥

神故不列海瀆秩次康熙間盛京有汎舟之役衽波颺
颿厥事迅蕝我

皇祖嘉

神之功飭廟薦馨祀在彝典我

皇考詔卽舊規重事葺治

豐碑並峙昭鑠瀛際崇示禮秩莫不備舉越歲旣久風

續天津縣志

卷首

天章

十

雨剝彫無以揭虔妥靈迺發水衡鼎厥工楹輝夔新式
奠式壯朕今春率

皇祖舊章巡幸天津莅而謁禮爲詩以落之蓋自淀池循

子牙滌海河旣得悉其歸墟原委至則登觀海之臺澄

波澶滸引控瀛棗東眺扶桑煇旄蔥鬱光延我陪都而

旅順登萊廟島環拱羅布胥靖以安其旁穿壕堦場曝

鹵出素邱如皜如牢益之獲什倍而斥壤沮洳瘠不宜

植於是蠲澤民之逋爰復憬然曰渤海之繫誠大矣凡

海職納而茲所職乎納者尤要夫東南之海吸吞江河

風濤是防治在塘堰若西北諸水滹滏漳易衛白或奔

瀉千百里而永定最橫且駛渚以七十二淀淪以三沽
醞澹委輸歷直沽以入禹貢所謂同爲逆河入海者此
居其大半而崇沙外互如戶斯闐無拒而壅流乃軌注
曩者京南州邑苦積潦載洩載導田廬用甯適復相示
咨度渠之墊者濬之隄之缺者續之施人力靡弗至洎
覽五牖春灌夏禁啟塞以時匪潮弗盈匪寒弗縮噓噏
迴斡通乎自然固非人事補苴之可作而致而朕飢溺
爲念時罔不在民則因

天之功其又敢不事事且海之爲物旣鉅受川迤波有宿
有統與夫所以若雨暘迪節宣康乂我民人而惠阜我
續天津縣志

卷首 天章

十一

田疇者咸依神庥洪惟我

祖

宗懷柔報祀胥蠻昭融歷有年所朕勤思下氓計安恬者
甚摯亦惟

神是憑蘄自今祇循儀軌宣道和令於以疏濶輯瀾俾
暑無盛漲秋無淫霖用貽我甸人無疆之樂利嗣是百
執事歲有事於廟下醴芬牲膾無不恪共而

神之彰靈効順以宏佑我邦家者亦永永弗替爰系其
事於碑以示來許乾隆三十二年歲在丁亥暮春月上
澣之吉御筆

高宗純皇帝御製詩

至天津策馬由府城觀民閱河遂駐行館作 丁亥上
巳後一日御筆

省方茲日莅天津策馬沿隄入綺闈三十二年念常注
京垓兆庶意俱親地當南北舟車要水會東西河海循
何必管絃續民樂伊余所喜在還醇

命免天津府屬積欠銀穀並及直隸通省詩以誌事

丁亥暮春之初御筆

天津瀕海濱沮洳實澤國以此多積欠可任催科力遊
豫貴休助逋逋資職殖絜矩念通省郵無向隅泣一律
命免之俾民足衣食民足孰與不司農莫恪惜

續天津縣志

卷首

天章

十二

丁亥暮春之初御題

行館海河上顏之偕樂堂無過停信宿頗覺費齏商擁
馬萬民近入門一逕長顧名思義託九寓富耕桑

丁亥暮春御題

春朝上巳後柳墅海河濱煙意柔條挽露光嫩葢勻向
花開戶牖把卷異艫輪卻是懷慙處德風播未醇

西沽二首 丁亥暮春上澣御筆

西沽三水匯流處南北運河清貫中徒恃隄防甯有是
要當善導俾宣通

郡城清曉返巡鑿池邇西沽策馬觀行過煙村大隄接
御舟早已候河干

庚寅暮春御筆

舊識行齋路海河河岸東昔巡纘

聖蹟今喜奉

慈宮陌柳陰垂綠階花煖放紅物胥含樂意我願與民同
乘馬由天津府城至行宮一律 庚寅暮春御筆

維舟策馬歷城闐馬足羣黎任覲親遊必以休休利溥
樂原與衆衆情申古來稀慶今誠慶

聖母八旬子六旬五福箕疇壽居首斂時

續天津縣志

卷首

天章

十三

天錫錫臣民

庚寅季春中澣御題

祝

齡從衆請復此至天津乘令當三月施恩逮萬民耕桑所
勤問歌舞亦紛陳返已惟生惡難言斯播醇

命免天津府屬及直隸通省積欠詩以誌事 庚寅暮

春中澣御筆

蠲賦王畿首被澤析津無更可加恩前巡因憶積斯道
近歲應餘欠者存概與除徵日銀穀並教通省逮黎元
邨邨春種期秋熟催呼何愁吏叩門

天津迴鑿之作 庚寅暮春月下泮御筆

虔奉

慈微諸禮成曉乘安福返都京

康疆逢吉真愜意男婦駢隨有戀情夜雨雖微塵已淨朝

煙欲泮令猶輕究當優需方紓念節過清明迫待耕

命免天津府及順天府所屬積欠詩以紀事 辛卯仲

春月中泮御筆

休助古所云懷保今所免昨歲此地災賑期均徧巡
方茲目覩幸追溝壑轉然未經見多加惠詎宜緩兩府

界壤連受沴苦弗淺三州及八縣舊欠概與免武清獨

續天津縣志

卷首

天章

十四

無欠豈不向隅歎獨供十之五用以旌良善麥收儻得
豐庶少濟屯蹇是惟賴

天恩非吾力能辦

至天津府卽事一律 癸巳暮春月御筆

行時隔歲至津關依舊觀風侍

懿顏

御舫賞春

歡益暢乘驄問俗力猶閑最憐幼挈老扶夥一任鞭塵馬
足閒雖是眼前多踴躍向隅隱詎少民艱

命免天津府屬積欠及直隸前歲被災別州縣積欠詩

以誌事 癸巳暮春中澣御筆

每來免積欠隔歲復茲有所以切祈年綏豐屢難偶見者恩固加未見惠應受顧此而遺他甯稱絜矩道次第與豁蠲催科俾這負調燮無良方用是增忸怩

丙申仲春下澣御筆

香林院畔海河樓駐舫憑欄一暢眸慮有夏秋容納苦幸無塘堰築防憂駢闐岸傍扶攜侶來往波中歌舞舟雖獻民歡供

懿賞怡然意共憫然投

丙申清和月中澣御題

續天津縣志

卷首

天章

五

海棠謝了人纔到無復紅英點綠苔卻是壁間詩句好不知過去與方來

行館中間搆數楹堂齋廳室各爲名茲來後樂偕艱致祇有先憂爲久晴

笙歌備聽誰爲聽摘句消愁愁復縈默坐書齋緣望雨播醇翻覺未孤名

校籤雖以額書堂那有多閒檢縹緗縱罷軍書仍不寐投階頗覺似天康

天津起程迴鑿之作 丙申清和月下澣御筆

安福御艫溯海河夾隄十里備笙歌迫因希澤方愁已

一任排當嬾聽他昨日微零仍卽止今晨略蔚又旋過
農民祇盼銀牌喜未識其心苦若何

戊申仲春於崇禱觀書室作御筆

清河順水東溯游南而西轉閭閻稠郡城已近見埤堦
例於北岸泊行舟行舟旣泊遂登岸岸頭老幼迎鑿見
尊親意比前更篤咫尺崇禱謁古觀古觀之傍書室存
熟路原識徑與門歲歷一紀斯再至卻如瞬息過高奔
高奔過隙迅如此樓臺點綴增多矣商力豈非民力哉
因之不憚弗因喜弗喜觀聽紛笙歌熱鬧可厭填津河
觀民本義詎在此按轡自問斯爲何

續天津縣志

卷首

天章

共

策馬由天津府城至柳墅行宮作 戊申仲春月御筆
一紀重來觀赤子五齡新喜抱元孫依然策馬過城市
不許前驅禁笑喧近海古來無海患津天宿應沐

天恩肆屬富庶笙歌盛返樸因之意默存

降旨免天津民欠銀穀詩以誌事

戊申仲春下澣御筆

巡鑿依例有恩施所過十分三免之茲攬民風益親切
應寬歲欠莫呼追數雖弗夥究霑惠蠲則無徵俾普熙
共戴

天庥昨秋稔前旬雨又麥田滋

庚戌清和至柳墅行宮卽事一律御筆

浮橋策馬過河濱河上行宮綠柳循臺館嫌看重修葺
商民豫祝夥排陳旣成不說愧一己適可修儀示遠人
題壁舊辭何太似望霖如例縐眉頰

至天津駐柳墅行宮之作 甲寅季春月下澣

長隄步輦府城觀虔謁

崇禧露冕冠兩次成三賴

天錫八旬有四愜民歡笙歌聽厭衢和巷安阜情非飢與
寒詎鮮遠村向隅者宣咨置吏佈恩寬

甲寅季春月下澣御筆

續天津縣志

卷首

天章

七

可知商力卽民力厯閱觀榮轉閱榮圖靜書齋閒以憩
乍瞻題額愧循名

弗取雕欄取樸楹觀民以實豈徒名與偕前歲曾逢曠
其奈今年復歎晴

巡宮何處不書堂暇卽甄心玩縹緗卻笑幼齡逮耄耄
幾曾體得一言康

南苑憶爲雙柳賦舊新莫辨影含苔海棠庭際有如是
一例春風迎客來

謹按

高宗純皇帝巡幸天津八次其子惠元元之

德意每至必見之篇章茲敬錄其有係津郡者依先後編葺成帙每篇標題及紀載年月恭照

墨蹟不敢一字增損俾津人得以披

皇圖而覽

帝文而

鼎湖弓劍之思亦與直沽塌淀永永無極矣至於石刻之在崇禧觀望海寺諸處者別錄於後庶百世而

下訪岫嶼之碑摹岐陽之鼓者有所考焉

俞樾謹註

崇禧觀石刻

清河入海河泊岸俯洪波琳宇開香院蕭臺矗鬱羅都

續天津縣志

卷首 天章

六

緣籲安宴豈是豫卷阿路便申瞻禮祈民福佑多 香

林院瞻禮作 丙申仲春月下澣御筆

望海寺石刻

望海祇園臨海河隔年此復一相過雖然縛節繁文禁仍有衢歌巷舞羅祇以祝

釐合衆志遂因同悃禮三摩普門無量慈悲願願作籌添曼壽多 癸巳暮春月既望御筆

海光寺石刻

像設花宮坐大慈普陀彼此孰然疑可知海印發光處正是如來按指時 題海光寺一首 乾隆丁亥暮春

御筆

重鎮海疆守今來况始過因之觀素習可說不揚波結
隊明組練伸行列鶴鷺巡方應詰武行賞意猶多 閱
武作 乾隆丁亥暮春上澣御筆

巡方之所重詰武及修文昨已試諸士今應閱衆軍熊
羆分列隊鷺雁聚成羣原可百年偃休疎一日勤酬勞
略行賞合度亦堪欣敢曰瀛氛靖戒安意正殷 閱武
一首 戊申仲春下澣御筆

大士坐堂堂蓮宮向海光可知効清晏總爲利耕桑肫
意禮相好

續天津縣志

卷首

天章

十九

洪禧祝

壽康前年與今歲一瞬祇如常 海光寺作 庚寅暮春
御筆

清蹕禮蓮宮東瀛吐旭紅萬民恣瞻仰一意祝和豐我
自勤宵旰那能悟色空如來按指處厯劫海光同 海
光寺作 戊申季春御筆

恬佑祠石刻

八旬策馬過城闔露冕因教悅萬民幼挈老扶依舊衆
叩瞻躍喜較先親所慚仍是昔年况致請殷希

神佑諄虔謁自慚誠不至臆稱曷

惠鑒誠真 策馬由天津府城至 海神廟拈香疊丙申

詩韻 庚戌清和御筆

海神廟石刻

崇構海河濱初來拜謁伸配

天常亘地濟物卽爲

神紫澥安瀾慶青蓮示法真

兩朝碑仰讀

意總爲斯民 海神廟瞻禮述事 乾隆丁亥暮春上澣

御筆

豐財場石刻

續天津縣志

卷首

天章

三

蕩蕩津門瀉大沽滄溟東望尙遙紆清流渾派歸淵極
坤括乾苞充德符豈似餘杭沙漲藉况經自古海氛無
留都來往糧艘運總濟吾民闢坦途 觀海臺觀海作

乾隆丁亥暮春月上澣御筆

巡方到處塵黎黔瀛裔民風策馬覘力穡仍艱登稷黍
資生惟是藉魚鹽蘆田概與均蠲負沙戶因之期引恬
斥鹵安能變膏壤漢時早說海波漸 瀛裔一律 乾
隆丁亥暮春月御筆

御書額聯

御書海河樓額

海河樓

御書崇禧觀額聯

敕賜崇禧觀

山門額

上清昭貺

大殿額

詠蕩玉閭開監觀有赫

穆清香案仰廣運無爲

大殿聯

御書崇禧觀碑

崇禧觀

御書望海寺額聯

瀛壖慈蔭

大殿額

續天津縣志

卷首

天章

三

普度指通津慈航示喜

真如參覺海法界超塵

大殿聯

海藏持輪

後殿額

證彼岸恆沙視茲喻筏

匯衆流一滴笑與拈花

後殿聯

御書海光寺額聯

普門慧鏡

大殿額

覺岸正光明如水如月

法流大自在非色非空

大殿聯

春物薰馨含慧業

名禽宛轉入聞思

御書樓聯

不生波處心恆定

大寂光天相總融

大士樓聯

鏡瀾普照

後樓額

歡喜白毫光妙明合印

莊嚴香水海安隱同參

後樓聯

御書恬佑祠額聯

敕賜恬佑祠

山門額

翁流順軌

大殿額

匯派協靈長功宣左輔

續天津縣志

卷首

天章

歸墟資廣利福佑東溟

大殿聯

三

御書風神廟額聯

揚仁助順

軌宅通津調析木

候孚大信靖歸墟

御書海神廟額聯

東渤安瀾

前殿額

導淀泊河沽歸墟效順

互津瀛滄棗安堵蒙庥

前殿聯

紫澥青蓮

觀音閣額

印月千川妙觀察

澄瀾萬頃靜聲聞

觀音閣聯

御書福佑祠額聯

雲海香臺

佛殿額

資生廣潤

水母殿額

神昭赫濯

關帝殿額

稟正氣浩然準茲溟渤

式靈威儼若壯我干城

關帝殿聯

續天津縣志

卷首

天章

三

仁宗睿皇帝御製詩

命免天津府屬積欠詩以示直隸總督方觀承

去歲秋告登編氓解逋賦今春駕南巡免三逮經路南

經過直隸州縣今歲津門近海濱下溼多沮洳積欠非

應徵正額免十之三

一朝致然豈無故與民樂休息保赤吾衷素新恩所不

及曲體惟要務帑則免其征糧亦豁其輸閭閻留有餘

御製額聯

御製天后宮額

垂佑瀛壖

續天津縣志

卷首

天章

三

御製海神廟額聯

析木安流

萬水會靈源星津叶象

九河懷舊蹟海國安瀾

御製風神廟額聯

祥和宣愷

寰海徠航徵巽德

近畿調燭應乾符

宣宗成皇帝御製額

御製海神廟額

功昭利濟

續天津縣志

卷首

天章

五

文宗顯皇帝御製額

御製火神廟額

離德赫若

續天津縣志

卷首

天章

三

今皇帝御製額

御製天后宮額

贊順敷慈

御製風神廟額

翕流順軌

御製火神廟額

光昭離曜

御製通真道人祠額

玉清福佑

續天津縣志

卷首

天章

二十七

續天津縣志卷首

恭紀

恩典

乾隆七年

上諭國家設關推稅定其則例詳其考核凡以崇本抑末載諸會典著爲常經由來已久其米豆各項向因商人收賤鬻貴是以照則征輸第思小民朝饔夕飧惟穀是賴非他貨物可比關口征納米稅雖每石所收無幾商人藉口額顛勢必高抬價值是取之商者仍出之民也朕御極以來直省關稅屢次加恩減免又恐推吏額外續天津縣志

卷首 恩典

三

浮收刊立科條多方訓飭每遇地方歉收天津臨清潞關蕪湖等關口商販米船概給票放行免其上課皆以爲民食計也但係特恩間一舉行未能普遍夫以養民之物而推之稅轉以病民非朕已饑已溺之懷也今特降諭旨將直省各關口所有經過米豆應輸額稅悉行寬免永著爲例俾米穀流通民食充裕懋遷有無者不得藉以居奇小民升斗之給不致有食貴之虞以昭朕惠恤黎元之至意欽此

乾隆八年

發帑及粟賑濟天津河間荒歉

乾隆九年

撥豫東二省穀石運津以資賑糶

乾隆十年

蠲除天下額徵正賦錢糧

乾隆十六年

修濬減河以工代賑

乾隆二十八年

加賑上年被水各州縣極次貧民一月口糧並撥運存
通米石以資接濟

乾隆三十四年

續天津縣志

卷首

恩典

三

免天津府屬明年地丁錢糧十分之三

乾隆三十六年

加賑天津等十一州縣被水極次貧民一月口糧
蠲免三十四年民借未完穀石

上諭昨以京師及近畿甘霖未沛農田待澤甚殷因命刑
部將軍流以下等罪分別減等發落今思秋審冊犯尙
有曾經三次緩決者其情罪俱尙有可原今歲恭逢

萬壽慶典此等人犯亦尙在

恩詔寬減之列又何必令其久繫囹圄著交刑部堂官
將秋審緩決三次人犯逐一查明酌量所犯情節分別

減等具奏以清庶獄而召和甘欽此

乾隆三十七年

展賑上年被水天津等二十四州縣極次貧民一月口糧並糶借籽種

緩徵勘不成災天津等二十四州縣錢糧

乾隆三十九年

撥通倉米十萬石備天津河間等屬賑濟

乾隆四十年

展賑天津等十六州縣被災極次貧民兩月口糧

乾隆四十二年

續天津縣志

卷首

恩典

三

上諭前因

聖母萬壽特宏錫類之仁普蠲各省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七十餘萬著再加恩自戊戌年爲始普蠲天下錢糧仍分三年輪免俾寰宇億兆人民仍得共被

慈恩永伸感慕而朕終天罔極之忱雖不能仰酬萬一庶幾藉茲稍展其如何輪派年分著戶部卽速悉心核奏

遵行欽此

乾隆四十三年

詔分別直隸省軍流以下等罪減等發落

乾隆四十五年

截留漕糧三十萬石存儲北倉賑卹直屬水災

乾隆四十六年

撥奉天海運餘米二萬二千餘石賑天津靜海二縣

乾隆四十七年

加賑天津靜海二縣被災貧民一月銀米並借給籽種

嘉慶六年七月初一日

續天津縣志

卷首

恩典

三

上諭據周元良那蘇圖福會等同日奏報天津被水情形
公同捐廉撫卹各摺天津地勢窪下當此河流盛漲衆
水匯注所有被水災黎自須安置棲止妥爲賑濟伊等
捐廉撫卹固所應然前已諭令署直隸總督熊枚派員
查勘被災輕重候降恩旨但奏報尙須時日災民嗷嗷
待哺恐緩不濟急著那蘇圖於運庫閒款項下動用銀
二千兩急爲撫卹會同道府縣實力辦理毋使吏胥等
從中侵蝕俾災黎早沾實惠欽此

嘉慶十三年

緩徵被水勘不成災天津等二十州縣錢糧

嘉慶二十四年

緩徵天津被水太平莊等九十二村莊新舊錢糧

道光元年

緩徵天津被水宜興埠等二百三十二村莊錢糧

道光三年

蠲免天津被水三百零一村莊錢糧賑濟貧民三月銀米

道光四年

緩徵天津被水各村莊錢糧分別賑濟極次貧民兩月銀米

續天津縣志

卷首

思典

三

道光十二年

緩徵天津被水三百二十五村莊錢糧分別賑濟極次貧民三月銀米

道光二十年

賑濟天津被水貧民口糧

道光二十一年

加賑天津上年被水貧民口糧並借給無力農民籽種
道光二十八年

蠲緩天津秋禾被水各村莊錢糧分別賑濟極次貧民
兩月銀米

咸豐元年

緩徵天津秋禾被水二十七村莊錢糧

咸豐二年

蠲緩天津秋禾被水九十五村莊錢糧

咸豐三年十一月初五日

上諭文謙等奏遵保打仗出力之紳民兵勇一摺本年九月間賊匪竄擾天津逼近府城經文謙等督率府縣及在籍紳士招募練勇晝夜巡防並於稍直口地方擊退賊匪郡城得以保全自應量予恩施以昭激勸天津府知府錢忻和著賞加鹽運使銜並賞戴花翎天津縣知

續天津縣志

卷首 恩典

三

縣謝子澄著以知府用並賞戴花翎仍暫留本任俟軍務告竣再行開缺安平縣知縣宋嵩慶著以同知直隸州不論班次卽行補用長蘆候補鹽知事王德暉著賞給六品頂翎遇有知事缺出酌量補用在籍四品頂戴前任浙江巡撫梁寶常著賞加布政使銜前任良鄉縣教諭汪彭著賞加同知銜前任柳州直隸州知州吳士俊著賞加知府銜特克慎之子閑散佛爾齊春著賞給六品頂戴天津鎮所屬官兵打仗尤爲出力之署海口營守備張振熊署津標左營把總王恩溶署城守營把總吳承恩署城守營北馬頭汛把總沈濤署大沽左營

把總冉緒署城守營經制趙國壁署大沽左營經制趙成德署海口營經制萬寶來署城守營額額外委隋清泰大沽左營額額外委丁鳳來署右營額額外委侯永慶署城守營額額外委謝雲彪署右營額額外委郝廷林隨營戰兵余仲清陳秋巖均著賞戴藍翎務關路干總候推守備張秉銳著遇有守備缺出儘先陞用津標三營大沽左海兩營馬兵安殿元周雲鵬任兆雲張文傑宋兆奎哈寶慶易占鰲于成龍步兵吳海山張升謝珍王保鄭明寶侯奎守兵劉長升燕廣升彭順風郭起發劉起得孔玉廷郭永得周得全鄭悅來曲洪禮張士續天津縣志

卷首 恩典

三十四

俊張從善林起均著賞給六品頂戴團練局打仗出力之八品軍功賈兆霖六品頂戴謝樂善均著賞戴藍翎雁戶沙富德趙廣德王立功穆得勝均著以外委卽補告病直隸祁口營都司張學霖著准其坐補原缺以遊擊陞用己革候補守備仍留雲騎尉世職汪蔭甲著仍以守備用並賞戴藍翎候選教諭舉人解開祥著以知縣陞用武舉馬奪標著以把總用己革把總徐鉉著准其開復把總文生吳熙義民伍永升馬得標均著賞給六品頂翎河營記名外委常榮富郝慶瀾武生岳樹標穆文成任錦標均著賞給六品頂戴文生李世榮著以

巡檢用武生于俊元郭雲鵬徐亨武童張錦雲徐立功黃瑾壯勇劉計功記名外委王士祥鎗勇趙永清均著以外委用帶勇柴壽柏義勇鄒玉春何永升汪維煜劉春錦邢發孫文錦武童孫有慶蘇滙孟毓楷均著以額外外委拔補書吏劉廣泰著賞給八品頂戴其幫同官兵打仗之監犯劉積德卽劉繼得等四十二名均著加恩准其免罪仍留營効力如果始終奮勉續有勞績再行奏請施恩其餘文武員弁及出力紳董商民俟事竣分別請獎文謙等督率有方甚屬可嘉文謙著賞給布政使銜特克慎著賞戴花翎張起鵠著賞加按察使銜

續天津縣志

卷首 恩典

三

該部知道原單併發欽此

蠲免天津被匪竄擾各村莊錢糧並節年舊欠正雜糧租蠲緩秋禾被水二百七十一村莊錢糧分別賞給極次貧民銀米

咸豐四年八月二十日

上諭上年秋間賊匪竄擾天津該處紳士捐餉集團力捍兇燄義勇可嘉允宜破格施恩用昭激勸所有天津府縣學額著該部查明酌擬加增額數具奏欽此

蠲緩天津秋禾被水一百三十六村莊錢糧

咸豐五年

蠲緩天津秋禾被水七十四村莊錢糧

咸豐六年

蠲緩天津秋禾被水一百二十五村莊錢糧

咸豐七年

緩徵天津秋禾被水九十四村莊錢糧

咸豐八年

緩徵天津秋禾被水一百九十村莊錢糧

咸豐九年

緩徵天津秋禾被水四村莊錢糧

咸豐十年

續天津縣志

卷首

恩典

三

豁緩天津被擾二百二十村莊錢糧蠲免節年舊欠各

租賞給貧民三月口糧並被毀廬舍修費

咸豐十一年

緩徵天津秋旱蟲災二十六村莊錢糧

同治二年

緩徵天津秋禾被水十村莊錢糧

同治三年

緩徵天津秋禾被水十村莊錢糧

同治六年

蠲緩天津秋禾被水一百六十五村莊錢糧

同治七年八月初二日

上諭崇厚奏捻逆蕩平遵保津郡防勦尤爲出力文武官紳開單呈覽一摺本年正月間捻逆由豫省竄入直境逼近天津經崇厚督飭各該文武官紳辦理防勦或派赴前敵截賊打仗或自帶義勇固守濠牆或隨隊防守城池或轉運各路軍火均屬著有微勞自應量予恩施以昭激勸除劉景芳劉景芬余承恩三員業經官文奏請獎勵外所有尤爲出力之總兵陳濟清著以提督記名簡放並賞給一品封典總兵春霖等均著賞加提督銜內王佐臣並賞給一品封典

續天津縣志

卷首

恩典

三

副將鄧啟元等均著以總兵遇缺題奏道員博多宏武著歸候補班前補用李世侃著賞戴花翎休致雲南鹽法道吳惠元著開復道員知府任信成等均著免補知府以道員用同知姚經陞著免補知府以道員在任候補知府陳翰芬著以道員改發江蘇補用仍交指省銀兩並賞戴花翎知縣劉傑著以知府在任候補遊擊趙起等均著以叅將用都司馬魁等均著以遊擊用並賞加副將銜張占魁等均著以遊擊用內石寶琳著賞換花翎鹽大使許之泰著開缺以同知留于北河補用並賞戴藍翎州判高鏡著以運

判用鹽經歷錢逵等均著以知縣留于直隸補用錢
逵並賞加同知銜郎中高裕原著以知府儘先選用
郭麟書著免選原缺以知縣分發省分歸候補班補
用守備李瑞等均著以都司用並賞換花翎張光輝
等均著以都司陞用內褚振標崔士麟羅慶長並賞
戴藍翎鄭明德趙成德劉恩榮並賞加遊擊銜州判
周家熙著以通判留于北河歸先儘班補用布政司
理問倪昌燮著以知州用主簿崔祥烈著以知縣留
于直隸補用鹽大使陳濟瀛著留于長蘆儘先補用
縣丞江啟泰等著以知縣不論雙單月選用主簿商

續天津縣志

卷首 恩典

三

詩綸等均著以縣丞用內楊廷錫並賞戴藍翎未入
流葉肇文著以主簿留于北河補用同知銜王文郁
著以同知選用從九品邵瑞清著以本班分發省分
補用千總任卿雲等均著以守備用任卿雲戎邦哲
並賞換花翎主事李世珍等均著賞戴花翎李世珍
宋文壽並賞加四品銜陳元祿並賞加三品銜馬繩
武著俟補缺後以知府用朱豫復並賞加同知銜都
司馮恩福等均著賞換花翎內秦琪著俟補同知直
隸州後以知府用鄭錫祺著以知縣留于直隸補用
道員楊詠春等均著賞加二品頂戴李廷瑞著賞加

按察使銜知府余沛恩等均著賞加道銜內張鳴鐸
並俟選郎中後以知府卽選員外郎穆肯澤著賞加
二品銜五品銜孟敬熙著賞加四品銜副將王鳴安
等均著賞加總兵銜叅將葛開泰等均著賞加副將
銜都司杜芳園等均著賞加遊擊銜守備張鵬等均
著賞加都司銜知州榮恩等均著賞加運同銜知縣
尹開先等均著賞加同知銜縣丞秦振聲等均著賞
加布政司理問銜知縣宋寶琨等均著賞加五品銜
教諭張震等均著賞加光祿寺署正銜知縣姚承豐
等均著賞加同知銜四品職銜高凌漢著賞加三品

續天津縣志

卷首

恩典

三

銜遊擊黃昭融著賞加副將銜郎中楊俊元著賞加
四品銜軍功高樹棠著賞加都司銜訓導葛書緯等
均著賞加五品銜典史嚴家駿等均著賞加六品銜
副將麟華著以副將留于直隸補用護軍校慶志等
均著以委叅領用先換頂戴藍翎吳松德著以護軍
校用先換頂戴副叅領榮華著以叅將用先換頂戴
委叅領慶雲著賞加副叅領銜護軍德泰等均著以
藍翎長用通判龔國瑞著俟補直隸州知州後以知
府用王瀛著以同知用同知直隸州知州黃惠廉著
以同知歸候補班前補用知縣楊中桂著歸軍功班

前補用劉枝彥等均著俟補同知直隸州知州後以知府用諶命年著留于直隸補用理問景介福著俟補缺後以知州用府經歷宋球等均著俟補缺後以知縣用鹽大使黃煥奎著遇缺卽補州判高醴泉著俟補州判後以知縣用縣丞徐兆麟等均著留于北河補用教授楊榮隰著以知縣在任不論雙單月選用巡檢姚允元著俟補主簿後以州判用從九品胡葆年著俟補缺後以縣丞用縣丞尹亮采著歸先儘班前補用從九品陳元凱著以巡檢歸候補班補用鹽知事王福申著俟補缺後以批驗大使用府經歷

續天津縣志

卷首

恩典

四

嵩珊等著俟選缺後以知縣用從九品宮墉等均著俟補缺後以縣丞用典史陳廉著俟補缺後以州判用縣丞余仲清著以縣丞不論雙單月選用從九品羅開泰等均著分發省分遇缺卽補監生李宗翹著以從九品留于直隸補用貢生馬錫光著以訓導不論雙單月選用從九品梁文錦著以巡檢遇缺卽選從九品銜湯鷺清著以從九品不論雙單月選用把總張起龍等均著賞戴藍翎內馮僧年並賞加四品銜年慶並俟補缺後以知府用左元鼎並俟補同知直隸州知州後以知府用壽祺並賞加知州銜周松

棟並俟選缺後以直隸州知州用王炳輝並賞加運
同銜何庚武並歸軍功班前補用余炳堯並以巡檢
選用員外郎陳士珍著以同知分發省分補用知縣
張雲輝著以應升之缺升用魏文藻著俟選缺後以
同知用府經歷黑耀曾著俟選缺後以知縣用舉人
宋永裕著以本班知縣選用已革遊擊張漢著開復
原官從九品陳恩錫等均著以府經歷縣丞不論雙
單月遇缺前先選用巡檢陸振聲著俟選缺後以縣
丞用從九品胡紹曾等均著賞加五品頂戴已革叅
將張國安等均著開復原官原銜花翎書吏鄒致田

續天津縣志

卷首

恩典

三

等均著以從九品選用丁憂主事張度著俟服闋後
以同知留于直隸補用知州王文田著俟補知府後
以道員用並賞給三品封典知縣鄭驤著俟補直隸
州知州後以知府用先換頂戴陳錫麟著以同知直
隸州知州在任候補先換頂戴並賞戴花翎巡檢介
尙志著以縣丞補用並賞給六品頂翎另片奏請將
辦理軍務出力之大員並帶隊協防之外國將弁給
獎各等語二品頂戴前任奉天府府尹德椿著開復
原官原銜長蘆鹽運使恆慶天津道周家勳均著交
部從優議敘英國總教官薄郎著賞加總兵銜引教

官魯富著賞加遊擊銜其餘防河辦團各紳董員弁
著崇厚查明核寔請獎毋許冒濫該衙門知道欽此
綏徵天津被匪竄擾一百零三村莊錢糧賑濟貧民